

常德文徵卷七

詩 五言律

唐

孟浩然 字浩然 襄陽人

武陵泛舟

武陵川路狹前棹入花林  
莫測幽源裏仙家信幾深  
水迺青嶂合雲度綠溪陰  
坐聽聞猿嘯彌清塵外心

遊精思題觀至山房

誤入桃源裏初憐竹徑深  
方知仙子宅未有世人尋  
舞鶴過閒砌飛猿嘯密林  
漸通元妙理深得坐忘心

常德文徵

卷七

五言律

杜 甫

宿青草湖

洞庭猶在目青草續爲名  
宿業依農事郵籤報水程  
寒水爭倚薄雲月遞微明  
湖雁雙雙起人來故北征

劉禹錫

秋日送客至潛水驛

候吏立沙際田家連竹溪  
楓林社日鼓茅屋午時雞  
鵲噪晚禾地蝶飛秋草陸  
驛樓官樹近疲馬再三嘶

李德裕 字文饒 趙郡人

尊師是桃源黃先生傳法  
弟子常見尊師稱先師靈迹





今重賦此詩兼寄題黃先生舊館

後學方成市吾師又上賓今茅山宮觀道士洞天應不夜源

樹杪如春此並述棋客留童子羅山童即先生弟子桃源山

精遊直神先生初至茅山童子觸法坐有聲先生疑無因握

石髓及一作與養生人

劉長卿

一赤沙湖

茫茫葭莖外一望一沾衣秋水連天濶潯陽何處歸沙鷗積

暮雪川日動寒暉楚客來相問孤舟泊釣磯

麴信陵望江人貞元進士

常德文徵

卷七

五言律

移居洞庭

重林將疊翠何處可逃秦水隔人間世花開洞裏春荷鋤分

地主縱酒樂天真萬事更何有吾今已外身

許渾字用晦丹陽人

舟次武陵寄天竺僧無畫

籬長山幾重十里萬株松秋日下丹檻暮雲歸碧峯樹棲新

放鶴潭影舊降龍還在孤舟宿臥聞初夜鐘

張喬池州人

尋桃源

武陵春草齊花影隔澄溪路遠無人去山空有鳥啼水垂青



雪斷松偃綠雜低世上迷途客經茲盡不迷

張 蟻 字象文 清河人

送友人歸武陵

聞近桃源在無村不是花  
成旗招海客廟鼓集江鴉  
別島垂橙實閒田長荻花  
遊春未得意看即是離家

齊 己 本姓胡名得 生益陽人

寄武陵道友

阮肇迷仙處禪門接紫霞  
不知尋鶴路幾里入桃花  
晚樹陰搖蘼春潭影弄沙  
何當見招我乞與片生涯

寄武陵徵上人

常德文徵 卷七 五言律

善卷臺邊寺松筠繞祖堂  
秋聲度風雨曉色遍滄浪  
白石同誰坐清吟過我狂  
近聞爲古律雅道更重光

虛 中 宜春人

善卷壇

耕鑿荒原時高趣在希夷  
大舜欲遜國先生空斂眉  
五溪清不足千古美無虧  
縱遣忘淳者何人投所思

張 白 衡州 羽士

武陵春色

武陵春色好十二澗  
家樓大醉方回首逢人不舉頭  
是并都 不采名利混然休  
戴箇星冠子浮沉逐世流



出武陵東亭臨江寓一作望

鷹至感風候霜餘變林麓孤飄帶日來寒江轉沙曲戍搖旗  
影動津晚櫓聲促月上彩霞收漁歌遠相續

崔 翥 鄂州刺史

過德山寺

一逕入叢林天風散梵音路晴泥何處敗竹斜侵布穀春  
方及催耕日未沉偶來成憩息因悟老禪心

崔 塗 字禮山江南人

屈原廟

競勝禍難防沉魂信可傷本圖安楚國不是怨懷王廟古碑

常德文徵

卷七

五言律

無字洲晴蕙有香獨醒人何少誰與奠椒漿

宋

唐 庚 字子西丹陵人

武陵道中

朝辭漢使節暮作楚囚奔路入離騷國江通欵乃村垣牆知  
地濕草木駭冬温寂寞桃源路行人祇斷魂

周 化 見沅江志

通慧寺 寺前古相二株

蒼峯聳古寺屹立鎮湖心不雨山常潤無雲竹自陰千年喬  
木舊五夜漏鐘鳴隨意參禪語蒲團打坐身



丁謂字謂之長洲人

過武陵甘泉寺留題

翠影人疎度波光  
瑟瑟凝帝家金掌露  
仙署玉壺水時  
星汲宵厨向日澄  
豈惟獨肺濁濯頂助三乘

師嚴字道立襄陽人

武陵客居

浩蕩千年翻幾寒  
八尺身不愁逢魍魎  
可笑繁黠麟殘雪  
江村路空山澗水春時  
危終遠去道在豈全貧

元

傅若金字與備新喻人

常德文徵

卷七

五言律

五

桃源圖

聞說避秦地  
花間忘歲年  
偶逢漁父問  
長使世人傳  
邱壑渾疑幻  
林廬或近仙  
至今圖畫裏  
惆悵武陵船

明

薛瑄

武陵曉泛

今朝風日好  
來泛武陵溪  
碧水寒依岸  
蒼林遠護隄  
沙光益野馬人語散  
見鷺二月桃花發  
還因處處迷

王啟茂見龍氏集

石首人

對湘樓卽事在德山



客裏仍多事高樓暫  
閉關春隨飛絮盡心與落花閒  
看水月中猶見山武陵溪上住已似隔人間

袁宏道

桃源縣

閨處雲藏寺僅來鳥亦隨仙人成邑里烟水作城池山有容  
空地溪無不怒時偶然嵐翠起一縣綠離離

過龍君超翠微山莊

掃石移尊處披雲曳杖行圃齋頻轉換郭郭偶生成溪盡田  
家出山迴仄路平遠峯稠疊起蒼翠撲軒楹

閒即攀蘿上慵來枕石眠田廬陰翠壁雞犬入層烟竹院通

常德文徵

卷七

五言律

六

茶戶山鄉近水屋三人心但了勝作苦形仙

買足青山地幽回構屋居暮烟慈竹嶺秋水菊花渠煉石為  
方藥磨嵐寫道書丹砂如就得拔去即仙廬

閉却層崖道人閒鳥不知漁樵分氏族花果認干支滴露新  
梧子參雲老檜枝龍髯曾此去巖壑也堪疑

俞安期

字羨長  
吳江人

沅江雜述

山過白馬渡千里斷平原水出雲根曲帆行石峽門未寒崖  
已凍不再晝多昏何自聞人語荒荒虎豹村

范

炳  
鳥程人



過武陵懷龍觀察

去指黔鄉近回瞻楚甸遙郡門臨白浪驛路登青霄積雨寒  
初霽長烟濕未消征鞍停不可無賴是今朝

張鳳翥

字僕明宿松人  
湖廣按察副使

武陵道中

孤城臨古渡斜日一舟橫北渚離人目西風遠客程藤疎知  
樹冷權響信江平不用分漁火前村月已深

國朝

程正揆

孝感人

題畫贈石溪和尚

常德文徵

卷七

五言律

七

捲席洞庭去長風一葉歸禪心定落木吟思動殘暉故國人  
還老荒城鬼亦啼德山托鉢處今昔是耶非

范秉秀

桂陽人

沉江縣和張鴻伯

魚牀侵邑聚鮫室任人家國課江多網田租菜早花茶烟生  
楚竹野飯飽胡麻水霧空濛外孤檣下暮鴉

薛

漢

蘄水人

枉渚

枉渚倚孤棹意行隨杖藜鷗邊漁艇小牛後牧童低秋色多  
因樹寒聲半是溪何當買茅屋此地卜幽棲



朱之宣 湘陰舉人

沅江懷遠和尙

遠公法王子來葉濟悲臻念此人情性安予心賤貧神山平  
石路梵火照漁燈兩地何當隔清魂慕隱淪

陳士本 武進人

過桃源

三過桃源洞依然石徑通鳥啼深處綠花落自然紅水照山  
前月雲梳竹外風仙翁高隱意千古與人同

潘耒 字次耕吳江人

赤沙湖

常德文徵

卷七

五言律

八

鼓柁違青草停橈已赤沙湖光開曉鏡山色上朝霞月泥魚  
龍宅霜寒雁鷺家棹歌聞歎乃秋思渺無涯

青尉祠

縣吏何微未披鱗數上誓甘將一身死力減萬民租苦語同  
圖繪孤忠匹史魚君看厚祿者拜疏幾躊躇

釋全賦

登樓玩雪口占

十年此懷抱今日一登樓四野雲明暗千林鳥去留天頑無  
可似吾老微何投久病憐柴骨方牀又滿愁

汪毓圖 見德山志



同唐橫秋瀟瀟竿遊入方樓故址

一塔冲霄起長空氣欲秋雲深山滴翠苔古石成緞芥剝林  
中靜陽山水外浮同來訪勝跡金谷罰依不

檀沐清 見真詩

過泐波廟 廟在桃源縣西五里清波灘

千古傷心事護邪居要衝一車疑載鬼百斛蟠龍爰笛猶

哀怨朱書正 新陽山真詫異今日祀梁松 梁松被讒由於梁松楚人祀之

以配陽山之神至今不見毀

李家慶 漢陽人沅江教諭

沅江雜咏

常德文徵 **卷七** 五言律

大地江吞盡人家域外浮饕殮占水族歲月老漁舟荇綴催

稍槩花明隔岸樓鸕鷀時鼓翼喋喋扣舷求

山村三月雨兒女試新茶味出龍團雋香因雀舌佳折枝春

在手焙火晚生霞采采傾筐滿凝粧步若耶

形勝瓊泉危崖鎖石橋滴乾春夜雨溪作大江潮草草

鳧夢風狂縱虎驕看雲迷去路應待老夫樵

百齡 漢軍籍按察湖南見桃源石刻

過秦人洞

咫尺仙源近低徊歲月賒綠溪嶺門渡夾岸不逢花開闢定

何代流傳尚幾家漁郎耽世味那解飯胡麻



一勺花潭水飛泉作沃流但教人避世未許客通舟雲洞留  
猿鶴星槎望斗牛笑他劉子驥塵境苦相求

范鶴年

號星子洪洞人署桃源縣

復任桃源

曠代桃花盡空山瀑布流八年仍宦轍千古一漁舟綠樹聽  
雞犬紅塵走馬牛凡仙同此路迷者不知求  
笑我勞勞者何由再問津落花經歲月古洞已風塵夜燭空  
遊楚春臺不避秦桃源隨處是更莫羨漁人

詩七言律

唐

常德文徵

卷七

七言律

十

竇

常

字中行朗州刺史

之任武陵寒食日途次松滋渡先寄劉員外禹錫

杏花榆莢曉風前雲際離離上峽船江轉數程淹驛騎楚曾

三戶少人烟看春又過清明節算老重經癸巳年

憲宗元和八年

得柱山當郡舍退朝長詠卜居篇

王

建

字仲初穎川人

武陵春日

尋春何事却悲涼春到他鄉憶故鄉秦女洞桃欹澗碧楚王  
隄柳舞烟黃波濤入夢家山遠名利關身客路長不似真心  
可塵寂玉編金軸有仙方



劉禹錫

朗州竇員外見示與濼州元郎中郡齋贈答長句二篇  
因以繼和

鴛鴦參差出建章  
綵旗朱戶蔚相望  
新恩共理大牙地  
昨日同含雞舌香  
白芷江邊分驛路  
山桃蹊外接甘棠  
應憐一罷金閨籍  
枉渚逢春十度傷

酬朗州崔員外與任十四兄侍御同過鄙人舊居見懷  
之什時守吳郡

昔日居鄰招屈亭  
楓林橘樹鷓鴣聲  
一辭御苑青門外  
十見蠻江白芷生  
自此曾沾宣室名  
於今又守閩間城  
何人萬里

常德文徵

卷七

七言律

十一

能相憶同舍仙郎與外兄

仕侍御余外兄崔員外南宮同舍

寄朗州溫右使曹長

暫別瑤墀鴛鴦行  
綵旗雙引到沅湘  
城邊流水桃花過  
簾外春風杜若香  
史筆在將書紙尾  
朝纓不稱濯滄浪  
雲臺公案家聲在  
徵詔何時出建章

漢壽城春望

自注古荆州刺史治亭下有子胥廟楚王古墳

漢壽城邊野草春  
荒祠古墓對荆榛  
田中牧豎燒芻狗  
陌上行人看石麟  
華表半空驚霹靂  
碑文纔見滿埃塵  
不知何日東瀛變  
此地還成要路津

風門山

亦作陽山廟觀賽神



漢家都尉舊征蠻血食於今配此山曲蓋幽深蒼檜下洞簾  
愁絕翠屏間荆巫默默傳神語野老婆娑啟醉顏日落風生  
廟門外幾人連踏竹枝邊

牟

融唐元和  
間人

過蠡湖

東湖烟水浩漫漫湖湘秋入夜寒風外看香飄落粉月中  
清影舞離鸞多情袁尹頻移席有道喬仙獨倚闌幾度簪簪  
相對處無邊詩思到吟壇

張

泌江淮  
人

晚秋過洞庭

常德文徵

卷七

七言律

十三

征帆高掛酒初酣暮景離情兩不堪千巖晚霞雲夢北一洲  
霜橘洞庭南溪風送雨過秋寺洞石驚泉落夜潭漫把羈魂  
帶湘魄九疑愁絕鎖烟嵐

劉

滄字菴  
魯人

題桃源處士山居留書

白雲深處葺茅廬退隱衡門與俗疎一洞曉烟留水上滿庭  
春露落花初閒看竹喚吟新月持酌山醪讀古書窮達盡為  
身外事浩然正氣樂樵漁

皎然

晚春尋桃源觀



武陵何處訪仙鄉古觀雲根路已荒  
細草擁垣人跡絕落花沉澗水流香  
山深有雨寒猶在松老無風韻亦長  
至覺此身離俗境元機亦可照迷方

齊己

懷武陵因寄幕中韓先輩何從事

武陵佳致跡多幽每見圖經恨白頭  
溪浪碧何處去桃花紅過郡前流常  
聞相慕駕鴻興日向神仙洞前遊鑿  
井耕田人在否如今天子正徵搜

寄武陵貫微上人

知泛滄浪櫂未還西峯房鎖夜潺潺  
春陪相遊仙洞雪共

常德文徵

卷七

七言律

三

竇寮對玉山詩裏幾添新茵苔袖痕  
應換舊爛斑莫忘一句曹溪妙堪塞  
孫孫騁度關

宋

蘇轍

字子由  
眉山人

寄題武陵柳氏天真堂康樂樓二首

宦遊閱盡山川勝歸老方知氣味真  
歌哭不移身自穩在還無閒語尤親  
永懷前輩無因見猶喜諸郎有此人  
千歲展禽風未改不加雕琢世稱珍  
天真堂

使君欲畫溪山好不作層樓無奈何  
巖谷滿前收蠟屐漪漣極目老漁蓑  
安心已得安身法樂土偏令樂事多  
千里筠陽



猶言治遠家一笑豈無他樓

周必大字子充廬陵人判鼎州

善德山二首

聞來楚望看江山水澗分流又一灣古刹經年修徑裏孤峯  
環繞翠筠間昔人舊塔今雖在道價高風不可攀因念叢林  
宛如舊當年有願幾時還

四望村深面山臨流田舍滿江灣僧居樓閣翠微外人在  
烟波欸乃間露重天寒何太早橙黃橘綠已堪攀風光無限  
吟難盡他日重來且暫還

李含章字時用宣城人

常德文徵

卷七

七言律

西

遊桃源觀

碧草芊綿十洞春青蒼寒疊五溪雲山縈乳石層層秀路隔  
桃花處處分苔徑竹深迷鶴跡石潭松古漏泉生文通宵同想  
塵寰事好結茅茨向水濱

題武陵護戎林亭

修篁簇徑出林椒可與遊人避俗囂曲檻隔花安筆硯小隱  
延月伴簞瓢紅藤引蔓移山豆綠葉分葩植小蕉到此每  
清氣別可堪寒夜雨瀟瀟

鄭樵字漁仲莆田人

過桃花洞田家留宿



偶從沿渚過山家爛漫桃花噪暮鴉處處竹籬環草屋人人  
雞犬話桑麻抱琴靜聽濤聲急對酒閒觀月色奢可笑南陽  
劉子驥欲尋風景滯京華

元

歐陽元 字圭齋  
瀏陽人

過洞庭

白沙隱隱見金鼇殿閣憑虛結構半天水渾融浮太極神人  
幽灑隔秋潭龍堂深樹盡棲冷象緯低垂客枕高欲作廟堂  
迎送曲柱紅荷碧盡離騷

蔡九思 上饒人

常德文徵

卷七

七言律

五

勸太元天師

飛車擁蓋下三神曠視齊州九點塵黃石穀城千載意翠壺  
蓬島圓時春嵩高海潤丹青遠地天開紫氣新見說桃苑  
紅萬樹扁舟來問武陵津

顧瑛

送鄭同夫歸豫章分題得洞庭湖

五湖秋水洞庭烟七十二峯秋插天神禹書藏林屋裏仙人  
詩刻石屏前溫溫玉氣穿靈洞白銀河瀉瀑泉鴻雁來時  
木葉下送君晨發楚江船

明



王

沂字子與  
泰和人

送趙德翁教授常德府

問君捧腹笑何事笑我身逢雌甲辰  
豈但下帷傳老子翻然  
回棹覓秦人  
泐波祠畔青楓晚  
招屈亭前  
且春莫把新詩  
教楚女竹枝歌罷恐傷神

林

俊  
字待用  
莆田人

桃源

百里人家斷復連  
烟嵐一簇俯晴川  
江干漁父坐來見  
洞口  
桃花望裏妍  
鬪雨泉聲雙檻外  
凌秋松色夕陽邊  
藥爐丹竈  
今如許可得重論晉魏年

常德文徵

卷七 七言律

十六

蘇

觀見列  
朝詩

到三山馬汝舟家在常德欲托附書與李泰適安

蕭蕭驄馬憇三山  
遊子相逢一破顏  
楊柳春風官舍靜  
桃花  
流水釣舟開  
棘端最險猴猶立  
華表雖遙鶴欲還  
早晚寫書  
來附汝鼎城千里寄柴關

應履平

奉化人知  
常德府

善卷壇

高蹈先生樂遁栖  
荒臺空倚武陵溪  
孤峯幾見留殘照  
斷石  
還能覓舊題  
千載清風江浩渺  
一川明月草萋迷  
於今復見  
雍熙治漫許相從策杖藜



方 行 與 義  
桐 城 人

桃源道中

桃源西望是辰州  
兩境中分五置郵  
征旆影隨紅樹渡  
斷橋水帶夕陽流  
關山迢遞孤臣路  
風物淒涼滿地秋  
半世飄零竟何事  
獨騎瘦馬重回頭

秦 金 字國聲無錫人巡撫湖廣

德山次韻

看遍湖南北岸山  
天留僧寺枕江灣  
烟霞縹緲紅塵外  
樓閣參差碧落間  
風靜竹林聊徙倚  
雲深蘿逕更躋攀  
茲遊冠絕平生與  
莫怪豪吟夜未還

常德文徵

卷七

七言律

七

薛 瑄

遊靈巖寺

靈巖有路入烟霞  
臺殿高低釋子家  
風滿迴廊飄墜葉  
水流雙澗泛空花  
青松閱世風霜古  
翠石題名歲月賒  
誰謂無生真可學  
山中亦自有年華

王守仁

潮音閣

高閣憑虛臺十尋  
捲簾疎雨動微吟  
江天雲鳥日來去  
楚澤風烟無古今  
山色漸疑衡嶽近  
花源欲問武陵深  
新春尚阻東歸楫  
落日誰堪話此心



閑中坐雨

雲下春雲及寺門，懶夫睡起正開軒。  
烟蕪漲野平隄綠，江雨隨風入夜喧。  
道意蕭疎慚歲月，歸心迢遞憶鄉園。  
年來身迹如漂梗，自笑迂癡欲手援。

雨霽僧堂鐘磬清，春溪月色特分明。  
沙邊宿鷺寒無影，洞口流雲夜有聲。  
靜後始知羣妄動，閒來還覺道心驚。  
問津久已慚沮溺，歸向東皇學耦耕。

盡日僧齋不厭閒，獨餘春睡得相關。  
簷前水漲遂無地，江外雲晴忽有山。  
遠客趁虛招渡急，舟人曬網得魚還。  
也知世事終無補，亦復存心出處閒。

常德文徵

卷七

七言律

七

墨池遺跡

千載招提半畝塘，張顛遺跡已荒涼。  
當時自號書中聖，異日誰知酒後狂。  
驟雨顛風隨變化，秋蛇春蚓久潛藏。  
惟餘一派涓涓水，流出烟雲不斷香。

東禪寺

絕岸深泥冒雨攀，天於佳景亦多慳。  
自慚客久頻移棹，頗羨僧高獨閉關。  
江草遠連雲夢澤，楚峯常斷九疑山。  
年來出處渾無定，慚愧沙鷗盡日間。

唐順之

字應德  
武進人

題張學士陽峯卷



陽山秀色滿南州  
薜荔叢生楚客遊  
三峽猿聲偏入夜  
千巖楓葉早知秋  
仙人結宅雲烟近  
太史藏書洞壑幽  
便欲焚魚應未得  
共言明主待謨謀

題張學士仰宸樓藏賜書

瀛洲別館切清虛  
詔賜緋緗出石渠  
秘典自驚墳索上  
祥光遙映壁金餘  
簷前鳥下疑翻字  
草際螢來爲照書  
借問鄴侯三萬卷  
何如今日沐恩殊

毛伯溫 字汝厲吉水人

德山次韻

帝子傳宣看此山  
畫舟歌鼓入江灣  
山當紫翠空濛裏  
人想

常德文徵

卷七

七言律

五

唐虞揖遜間  
松柏歲寒心未老  
星河夜靜手堪攀  
無官更是無家累  
也可春風二月還

吳國倫 字明卿興國州人

於信夫邀餞湖音閣

萬里秋風動五溪  
空王臺殿白雲齊  
客來蓮葉舟堪繫  
仙去桃花渡已迷  
握手故人非少壯  
攜樽落日更攀躋  
憑闌醉問黔陽道  
悵指蠻烟楚塞西

趙貞吉 字孟靜內江人

桃岡祠

種玉遙辭渡海居  
種桃新滿避秦墟  
青林臥觀無始濯濯



壺天養太初霜蒼瓦益鸚啄粒石田磁甕家耕書我來問道  
分離黍正是漁郎一渡餘

王道光

通江人知  
沅江縣

舟行次吳御史韻

烟柳行行列畫屏官航蕭鼓入青冥臥龍池下尋遺墨招屈  
亭前憶獨醒十里鶯花爭掩映數村雞犬盡安寧年來父老  
從頭數獨喜王喬舄暫停

高

對

知沅江縣  
高昂子

過沅留題

弱冠曾遊此繫船東風吹向碧桃川銅麈歸去三千里驄馬

常德文徵

卷七

七言古

三

乘來二十年猶道昔時單父治得聞今日武城絃載誨民俗  
猶淳樸湖遶君山水接天

袁宏道

托龍君趨爲覓仙源隱居

雲石村中且卜廬憑君爲買一峯餘全栽芝菊爲疆界盡寫  
雲嵐入券書門對仙童澆藥地巷通毛女浣花渠閒中每愛  
天台去好與劉晨比屋居

和桃源江進之雜詠

山亭處處挈胡牀不獨遊忙睡亦忙官况易消如暴水癡兒  
難長似黃楊巖花盛日求長假石榻開時見古方擲却儒紳



與巾子添將冰水注茶湯

藤葉常懸四五葩閒隨方罍過鄰家西廂托疾東廂憩百  
聽經北寺茶蝶老花闌知倦客天清雲薄認飛紗姬衫典  
病眉餘學把緡錢托畫叉

六尺紗窗九尺廬元毫白楮任生疎花前屢泛檳愁酒架上  
那存引趾書斲竹細紋如浪滑吳霜寒瘴似雲舒幽牕一枕  
騰騰去煉佛求仙事總虛

譚元春

字友夏  
竟陵人

漁仙寺

竹外藤邊淺行近來焚剪得山情纔開古洞禽知路盡復

常德文徵

卷七

七言律

三

禪居虎夜鳴泉道冷然離磴去石梁竒絕為樓生細將理數  
分興廢更上一峯春水明

國朝

劉舜濬

桂林人知  
常德府

重遊武陵

江城閉戶讀殘書懷古重尋善卷廬滿面衰容資酒盞數莖  
短髮倩風梳野花遙落愁啼鳥石徑崎嶇怯蹇驢景物盡隨  
時序變人情歎恰似當初

朱之宣

讀武陵楊相公疏藁



三百餘年養士恩，敬將君父慰忠魂。事繁諸葛秋風陣，事  
睢陽陣色昏。十指濺來心有血，九原冥去骨何存。千秋信史  
誰傳筆，莫使孤臣夜叫冤。

查慎行

字初白  
海寧人

再遊武陵德山爲雨雪所阻留宿乾明方丈次石間周  
益公詩韻二首

但令與到便登山，路轉巖巖第幾灣。福地自留蒼翠外，閒身  
偏在亂離間。殘碑日月看仍在，前輩風流許再攀。五百年來  
如轉盼，知從何處證無還。

城外清江江上山，依然白浪轉蒼灣。雪飄燈事闌珊後，春到

常德文徵

卷七

七言律

三

梅花淺淡間竹樹，一邱迷出又樓臺。幾處記躋攀，茶烟芋火  
前因在，信宿留人未遣還。

春晴登朗州城樓

逝水湘烟入望深，郡樓閒上當登臨。晴邊日作薰檐氣，亂裏  
歌傷去國心。芳草迎船迷舊岸，綠楊盤馬試新陰。劉申去後  
空城在水次，猶傳上堵吟。

陳士本

桃源曉發

旭日天開五色霞，紫光遙映水光華。遠峯壁立消殘雪，古木  
迴翔散曉鴉。春意滿前看柳眼，冰心一片寄梅花。停輿爲



仙源處夾岸藤蘿石徑斜

田 雯 字山 薑

河湫山新息侯祠

古屋昏燈 爨鏃翁在 麥村井廟門 通斷碑疑是 邊陲柱壞像

仍矜顧盼 雄夕照烟浮 鴉背黑野塘香 送燭花紅土人莫薦

新菰米恐與當年兼政同

顧 智 字後巷丹徒 人知沅江縣

宿富池

富池底事 浪傳聞祇有 覺民似雁羣 茅屋數家 籠落冷漁舟

幾個夕陽 曛白沙南望 迎黃月赤壁 西來覆紫雲 日暮磬聲

常德文徵 卷七

何處起孤 僧香火洞庭君

胡 浚 號竹巖 山陰人

舟次 德山下作

層厓豁處 沉交湘水宿 迢迢江路長 桂竹覓泉經 寺隱稻花

濛雨釣磯 香德山擔 疏終支節善 卷遺村亦渺 茫猶恐留師

笑凝滯憑 將孤興和 滄浪

高 綱 漢軍籍號雪 聲知常德府

冬夜 雜感

匝地霜風 斷漏壺燈前 對影覺心孤 星移殘燄同 傾酒宜換

新疆總傍 湖詩境久 荒慙瑟緒 藥材深辨 識精羸當時 愁絕



郎處橘 袖楓林聽鷓鴣

交臘風光 試剗那夜郎消息問如何傳移檄校征鴻疾輪  
斬并如落葉 多官道尙聞行店少蠻雲頻見捷書過將軍早起  
瘡痍痛莫讓千秋馬伏波

贈穆協領可齋

謝甲山前 鼓角聞沾天湖畔 凝儔軍庀材倉卒應憐我橫槊  
風流乍識 君酒敵自開茅閣待詩題同坐馬鬣分莫思便唱  
刀環去湖 上春來草似衰

正月二日疊韻

簷間昨已 釋水稜淑景都因暖律與兒喜束書騎竹馬妻貪  
常德文徵

卷七

七言律

十四

夜佛禮香 燈餅梅得氣參差放池水涵風欲灑疑我亦枯腸  
機思活詩 成吏散任傳騰

查嗣邵

海寧人 府幕

和雪聲太守正月二日韻

使君政不恃威稜教得溪童禮讓與兩郡清貧蒙布被廿年  
苦思對油 燈環城綠浪春水泮繞郭青山暮靄凝冉冉和風  
吹畫戟了 無餘地有詩贈

王葉滋

上海人任 常德府

宿郎 題二首

北堰何因 號宿郎官列宿映湖光郎官古羨湖中好列宿



今從堰上芒草舍停車尋一榻荒村問米走三鄉  
蓬憐江左窮檐食野菜芹羹異樣香

前次曾來病汗珠今看汗已凍凝鬚不辭寒暑人皆是敢謂  
交涼我獨無雪擁敝廬眠野堯風穿破壁走生廳夜深感念  
皇恩重起坐蓬牕聽鳥呼

傅為貯貴州人官副都御史

常德懷古

木蘭舟阻洞庭波誰閉荆門細馬駝十日竟成河朔飲一樽  
聊對楚山歌龍標去後風流歇夢得來時雅韻和義帝亭荒  
殊井廢不知何處月明多

常德文徵

卷七

七言律

三

郭峻字昆甫長沙人

武陵陳宗五逝已三月同人間計為位以哭

纔著朝衫慰倚門不堪淒斷聽離猿百年竟短英雄氣一第  
終孤日月魂如此凋零成我輩更誰憂樂共黎元乾坤至竟  
留遺稿生死彭殤遠可論

張九鑑號橘洲湘潭人明江書院山長

朗江示諸生

朗州文物壯江城况復星池正聚英堂有星池麗藻額三聘禮逾前

太史六堂規彷彿舊諸生當春展卷花粘席向夕哦詩月照檠  
鬪捷幾人誇小技能馳經術即科名



葉馨字椒谷晉江人知常德府

登漳江閣

歸來猶憶寫瀟湘暫解征衣已著霜  
匏繫幾曾安枕簟蓬飄只此見行藏  
詎逢人事縈心曲無那秋聲動感傷  
高閣登臨驚物候一天風雨近重陽

褚廷璋號筠心長洲人督學湖南

自沅江四十里至曾埠野宿

上瓊湖畔曉聞鶯又放垂楊罨去旌  
綠漲鴨頭雙槳滑晴烘魚尾一帆明  
殘春花木驚榮謝遠徼雲山待送迎  
今夜風燈何處宿烟波不遣傍嚴城

常德文徵

卷七

七言律

五

姚頤號雪門太和人督學湖南

沅江道中見菜花

十分春向雨餘深夾岸蘆花霽復陰  
平入江村烟有邑閒連汀草蝶無心  
香風逐艇供晨興裴几挑燈憶昔吟  
指點麥田還剡剡農家俱是萬黃金

楊宗岱大庚人

朗江晴遊靈樞宮循府河驛路入忠義祠小憩

團蕉小構面城闌二氏居然德有鄰  
偏覺鳥巢無衲子猶疑鶴馭是真人  
松聲絕響難醫俗柳色能空不染塵  
且倚樓櫺開四面半仙半佛捨閒身



張正翁號筆石湘潭人武陵教諭

壬寅初冬謝武陵鐸篆

薄宦羈牽朗水湄  
呻吟猶似在山時  
桃花洞口迷漁父  
柿葉堆中老畫師  
八十年來鑽故紙  
一千里外擁臯比  
雪鴻踪跡知何定  
詎學鷓鴣老一枝

縹緗插架燦琳琅  
不用紅帷隔講堂  
誓以讐書分乙火  
敢期尸祝到庚桑  
眼前杜甫衣能典  
門外侯芭酒正香  
歸老橋邊鄉思動  
種花夢入碧雲莊

羅典字慎齋湘潭人明江書院山長

辛酉夏五星池四德軒納涼次和陳卷山

常德文徵

卷七

七言律

三七

消夏今番得舊鄉  
一灣深碧剪清湘  
佳辰值雨偏多興  
新築無花亦自芳  
醉說菩提招淨侶  
風傳河廣憶浮航  
祇應竹榻隨朋好  
執扇絺衣坐夕陽

朗江書院西池觀荷次研北翁韻

不是紅香濯滿池  
栽培無力負臯比  
編成脫穎雖如許  
並作生花筆亦宜  
謝句芙蓉君手出  
毛詩菡萏我心知  
頻來莫算肩輿值  
月曉風清雨過時

師範趙州人

武陵雜詩

到此才知客路長  
春烟黯黯水茫茫  
人非屈宋天難問  
地是



湘流草易香劉夢得來詩境  
潤馬文淵去陣雲荒漁郎莫被  
桃花引晉魏都從一飯忘

湖分南北仗中權旌節軍門  
跡已遷孤艇自搖春夜月暖風  
黃入菜花天羣山映郭參差  
出列肆臨江遠近連形勢西南  
推第一莫教容易廢戈鋌

茅元銘 丹徒人

雲屏觀察義行卷 捐建龍池書院

不惜高腴割義莊萬間廣厦  
媿膠庠惟期鼓篋追三代何止  
聞絃在一鄉講學鴻規存鹿  
洞傳經駿業拓鱸堂 宸恩特

晉酬庸秩允矣儒林奉辦香

常德文徵

卷七

七言律

三

楊芳燦 字蓉裳江寧人

前題

詠羨原嘗盛俠遊非關厨顧  
附名流庶人杜老千間厦煖客  
香山萬里裘歉歲好施傾廩  
膺驚波普渡穩方舟胸中八九  
吞雲夢積善由來不望酬

周邵蓮 奉賢人知武陵縣

甘泉寺懷古四首

莽榛何處甘泉寺飲水題楹  
憶寇公天際關山瓊海北雲端  
魏闕汴梁東觚稜回首恩偏  
重梵唄輪誠道未同敢為乘風  
便歸去瓊樓高在曉寒中



無煩會食咎中書偏直平生習肯除只合驗言思此日不應  
慙語悔當初鑠金眾口炎涼異飲水孤臣冷煖餘對此盈盈  
清可鑑照人涇渭更何如

一縑衾襖得何曾每憶萱慈淚滿膺舊事偶然傳鄧瓘新歌  
莫漫說吳綾霍光有傳寧煩讀訓儉成書匪可憑我帶荒郊  
人寂寂千秋誰與論寒鐙

頽年作宰滯熊湘雞擾鴻哀屢村量幾許貪泉嘗墨智等閒  
秋水注蒙莊懷人正對殘篇在訪古徒傷蔓草荒便欲誅茅  
結精舍拜公重與酌椒漿

戴世泰 歸安人

常德文徵

卷七

七言律

五

鼎雅同社陳卷山領鄉薦

德門三鳳喜聯翩秋薦元方獨占先飲露清心參穉地郡志

凌雲健筆揭經天祇今文體居盧後稽古才名在杜前轉盼

春風尤得意幾時騷雅待重鐫

偕唐竹谷謁楊田村山長墓

吹簫會葬德山東才載重來宿草叢西蜀四知留剩澤南州

三鱣繼宗風春秋祀事饒桑梓師友淵源等絮蓬却幸唐衢

曾立雪瓣香同燕拜南豐